



**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1664

Disptatio III. De necessitate Dei in essendo.

[urn:nbn:de:hbz:466:1-76990](#)

TRACTATVS II.

DE NECESSITATE

DEI IN ESSENDО. DE QVE EIVS

independentia in essendo ab omni
non Deo.



Cturus deinceps de attributis Dei in particulati, ab attributo necessitatis Dei in essendo incipio; quod vna sit exprimis passionibus metaphysicis essentiae diuinæ. De quo proinde prima erit huius tractatus disputatio. Altera autem de independentia Dei in essendo ab omni non Deo; quæ eiusmodi necessitatí immediatè est annexa.



DISPUTATIO III.

De necessitate Dei in essendo.

DE necessitate rerum in uniuersum egimus in Pharo Scient. disput. 11. cuius doctrina pro dicendis hic supponenda, aut etiam, quatenus opus fuerit, recolenda est,

QVÆSTIO I.

Virum Deus sit ens necessarium in essendo. Et qua ratione.

Suppono ex doctrinâ traditâ loco citato, necessitatem cuiusvis subiecti ad quemvis actum in connexione ipsius subiecti cum ipso actu constiter formaliter. Tunc enim subiectum dicitur necessitatum ad actum, quando ita cum actu connexus, ac veluti colligatum est, ut non possit eo carere, seu sine ipso esse. Vnde necessitas subiecti ad actum, connexiove subiecti cum actu impotentiam ad contradictorium actus fert secum annexam. Hinc, esse subiectum necessitatum ad essendum, aliud non est, quam, esse subiectum connexus cum actu essendi. In quod ipsum reddit, esse subiectum, sive ens necessarium in essendo. Et quoniam actus essendi duplex est iuxta dicta in Pharo Scient. disput. 9, quæst. 1. & 2. Alius essentialis, seu substantivus nihilo differens ab identitate, qua vnumquodque dicitur esse quidpiam; idque vel esse entiale sibi, vel accidentale, latè hoc vocabulo usurpat. Alius existentialis, & adiectivus nihilo differens ab existentiâ, qua vnumquodque dicitur esse, existere ve in naturâ rerum: bifariam potest dici subiectum, seu ens necessitatum ad essendum, seu necessarium in essendo. Primo in essendo quidpiam aut existentiale ipsi, aut accidentale. Secundo in essendo in naturâ rerum, sive inexistendo. Igitur, quod in praesenti querimus, est, an Deus utroque mo-

do sit necessarius in essendo, necessitatus ve ad essendum.

Propositio 1.

Deus ad essendum id, quod essentialiter est, omnino est necessitatus, atque adeo necessarius omnino in essendo id ipsum.

Est certissimum. Quia necessitas ista omnibus omnino entibus communis est. Ergo non potest non ea reperiri in omnium primo, & postissimo ente, scilicet Deo. Quod autem vnumquodque ens si necessitatum omnino in essendum id, quod essentialiter est, ex terminis est manifestissimum. Nam, cum sit unicuique enti omnino necessaria sua essentia; quia nihil unicuique enti est magis necessarium, quam ipsummet sibi, ut est porrissimum: omnino impossibile est, ut aliquod ens sine sua essentia, atque adeo sine se ipso sit; omninoque proinde cum sua essentia, atque adeo secum ipso est connexum. Quod ipsum est, vnumquodque ens necessitatum omnino esse ad essendum id, quod essentialiter est; atque adeo necessarium omnino esse in essendo id ipsum. Ob id propositiones prædiantes de quouis ente aut integrum ipsius essentiam, aut partem eiusdem, (qua omnes propterea de prædicato essentiali subiecto sunt iuxta dicta in Pharo Scient. loco citato, atque etiam disput. 17. quæst. 7.), aeternæ, & prorsus necessariæ veritatis dicuntur: quia prorsus impossibile est, ut non conueniat cuius enti tota eius essentia cum omnibus partibus suis.

Est autem impossibile, ut non conueniat cuiusvis enti tota eius essentia cum omnibus partibus suis dumtaxat intra statum quiditativum, ab existentiâ præsidentem, & eis necessarium: non item intra statum existentiale, qui omnibus entibus creatis contingens est; contingentes subinde eis prout consideratis intra ipsum, cuncta conuenient iuxta doctrinam traditam, etiam in Pharo de huiusmodi entium statibus disput. 10. quæst. 1. In quo à ceteris omnibus entibus discriminatur Deus; cui etiam intra statum existentiale conuenit necessariò esse id, quod essentialiter est: eo quod & ipse status existentialis

Disp. III. De necessitate Dei in essendo. Quæst. I. 83

Et ipso omnino necessarius, ut videbimus proposit. 3. In praesenti vero tantum agimus de necessitate, quam Deus habet ostendi id, quod est essentialiter intra statum quiditatum præscindenter ab existentia. Quæ necessitas communis est ceteris entibus; tametsi in Deo sit infinitè maior, quam in illis, iuxta dicenda quæst. 2. Vnde necessitas in essendo, de qua in praesenti propositione, non tam proprietas Dei est, quam passio communis.

Propositio 2.

Etiam est Deus necessitatus ad essendum id, quod accidentaliter, (latè accepto hoc vocabulo), sive attributaliter est, quando illud ita est ei necessarium, ut passio essentia ipsius seu propria, seu communis dicendum veniat iuxta vniuersalem doctrinam de passionibus essentiarum traditam in Pharo Scient. disput. 17. quæst. 18.

Quia cum huiusmodi passionibus attributis, sive attributis necessariis, & consequenter etiam cum actibus essendi illa necessariam connectionem habet essentia metaphysica Dei (quemadmodum & ceteræ essentia metaphysica cum suis passionibus) intra statum quiditatum ab existentia præscindenter, de quo etiam nunc sermo est. Quidquid sit de necessitate, quæ essentia Dei, præ ceteris omnibus, intra statum etiam existentiale conuenient suæ passiones iuxta dicenda propositione 3. Itaque omnino necessitatus est Deus ad essendum intellectus, volitus, omnipotens, æternus, immensus, bonus, iustus, & cetera predicata, sive attributa essentia ipsius metaphysice, omninoque necessariò annexa. Quorum alia, ut esse omnipotentem, æternum, immensem, infinitum, &c. passiones propriæ ipsius essentia Dei sunt. Alia vero, ut esse intellectuum, volitum, bonum, iustum, &c. passiones communes etiam alijs essentijs iuxta doctrinam datam in Pharo Scient. disput. 17. quæst. 7. & 18. Quæ omnia tum ex ipsis terminis sunt manifesta; tum ex dictis insuper in eadem Pharo Scient. disput. 10. de prædicatis cuius essentia necessarijs intra statum quiditatum satis superque constant.

Est tamen aduentendum, attributorum Dei quædam esse necessaria ipsi absolute, ut esse bonum, infinitum, omnipotentem, æternum &c. Quædam vero ex suppositione extrinsecā contingente, quæ proinde absolute sunt contingentia, ut esse scientem veritates contingentes, esse dominum creaturarum, & alia huiusmodi. Eorum autem, quæ absolute sunt necessaria, ad quæ subinde Deus absolute necessitatus est, aliqua sunt, quæ neque inuoluunt, neque supponunt quidpiam Deo extrinsecum, ut esse bonum, esse intellectuum, & similia. Alia sunt, quæ vel inuoluunt aliquid extrinsecum, ut esse omnipotentem, (in quo conceptu inuoluitur possiblitas necessaria, & Deo extrinsecā creaturarum iuxta dicenda disp. 4.) vel supponunt aliquid extrinsecum, ut esse scientem ipsas creaturas possibiles quatenus tales: (qui conceptus eamdem ipsarum possibilitatem supponit iuxta dicenda ibidem). Inter quæ attributa Deo absolute necessaria illud inter est, quod, quæ prioris generis sunt, aqua-

lem cum essentia diuinâ, seu potius cùndem ipsius necessitatem habent re ipsa. Quæverò sunt generis posterioris, non habent maiorem necessitatem, neque aliam ab ea, quam habet illud extrinsecum, quod vel inuoluunt, vel supponunt, iuxta dicenda infra quæst. 2. Quippe necessitas priorum omnino est intrinseca Deo, realiterque cum eius essentia identificata. Necessitas vero posteriorum aut est Deo semiextrinseca, vel extrinseca, atque adeò ab eius essentia distincta realiter; aut in denominatione consistit pendente ab extrinseco, atque adeò non magis necessarià in suo esse, quam tale extrinsecum, iuxta dicenda loco citato.

Propositio 3.

Deus omnino est necessitatus ad existendum; atque adeò in essendo existentia littere omnino necessarius est.

Hoc est proprium Dei attributum, nullatenus vlli alij enti conueniens. Quia cætera cuncta, præter Deum, contingenter existunt; atque adeò possunt non existere, ut alibi suo loco ostendetur: solus Deus nullatenus potest non existere; atque adeò omnino est necessitatus, seu necessarius in existendo. Id quod ex eo venit demonstrandum: quia Deus, cum sit causa prima à nullo alio tanquam à causâ, atque adeò participi- tuè accipit suam existentiam, uti accipiunt cætera entia, sed à se ipso, atque adeò essentialiter, seu per essentiam habet illam, prout supra disp. 1. quæst. 7. & 13. monstratum est. Hinc autem evidenter inferitur, Deum nullatenus habere potentiam ad non existendum, atque adeò omnino ad existendum necessitatum esse in eâ duratione in qua existit. Quia, si Deus potentiam haberet ad non existendum in eâ duratione, in qua existit, cum habeat etiam potentiam ad existendum, indifferens esset eius essentia ad existendum, & non existendum in tali duratione; atque ita non magis haberet à se, & per essentiam existere, quā non existere; causāque subinde indigeret sibi determinante, atque adeò conferente existentiam, ut illam potius, quam non existentiam, haberet, contra suppositionem factam, & demonstratam locis citatis. Deus igitur, dum existit, impotens est ad non existendum; atque adeò necessitatus ad existendum. Quod erat demonstrandum.

Quomodo autem Deus ab æterno, & in æternum, atque adeò in omni duratione, sive mensurâ temporis sibi extrinsecâ absque vlla potentia ad non existendum, atque adeò omnino necessariò existat, inferitis disp. 9. demonstrandum est.

Hinc fit, ut, quidquid Deus est necessariò intra statum quiditatum præscindenter ab existentia, id ipsum etiam sit necessariò intra statum existentiale formaliter prout existens in illo. In quo Deus differt ab entibus, quæ existunt contingenter; quibus intra statum existentiale, prout existentibasque formaliter contingenter conuenient cuncta, quæ alijs ipsis sunt necessaria intra statum quiditatum: quatenus contingens illis est, esse ea, sive cum eis identificari, sive ea secum identificata habere in statu existentia hoc ipso, quod talis status ipsis contingens est.

Ex quibus omnibus appetet, quomodo ac-

L 2 cef.

cessitas Dei ad essendum, quidquid est infra statum quiditatuum, (qua necessitas Dei quidatua, loquendo vniuersè, dici potest iuxta dicta in Pharo Scient. disp. 10. quæst. 1. de prædicatis necessariis intra huiusmodi statum), & necessitas Dei ad essendum in rerum natura, sive ad existendum, (qua necessitas existentialis venit dicenda), certitudine planè demonstrativa certissima sit. De quo nemo haçenus dubitauit, semel supposita quiditate, & existentia Dei à se.

QUÆSTIO II.

Vtrum necessitas in essendo omnino intrinseca Deo, sive cum ipso identificata realiter tam quiditatua, quam existentialis omni alia necessitate extrinseca, distinctaque à Deo realiter maior sit. Et quanto maior.

Illacentiores aliqui, qui opinantur, necessitatem metaphysicam ex genere eorum conceptuum objeciorum esse, qui non lucipiunt magis, & minus, consequenter affirmant, Deum in suâ existentiâ non magis necessarium esse, quam sunt creature possibles in suâ possibilite. Id quod etiam consequenter tenere debent omnes Doctores disput. 4. quæst. 2. referendi pro sententiâ statuente in Deo connexionem cum creaturis possibilibus eo ipso, quod assertunt, fore, ut Deus desineret existens esse casu, quod aliqua creatura desineret esse possibilis. De factoque multi eorum tenent, ut ibi videbimus. Nos vero, qui in Pharo Scient. disp. 11. quæst. 4. contra Auctores dictos statuimus, non solum necessitatem moralē, & physicā, (de quibus dubitare non licet), sed etiam necessitatem metaphysicam ex genere eorum conceptuum esse, qui suscipiunt magis, & minus; atque ita vnam necessitatem metaphysicam sive esse maiorem alia; scilicet, quoties una connexio metaphysica, in qua illa consistit, strictior, & firmior alia est, ut evenit sive; consequenter assertimus.

Propositio I.

Illacentiores aliqui, qui opinantur, Deus habet in essendo tum quiditatue, tum existentialiter, infinitè maior est necessitate, quam habent cætera cuncta in essendo quiditatue, aut etiam in essendo existentialiter ex hypothesi, quod existant.

Probatur propositio primo. Quia, ut dicebamus loco citato, necessitas in essendo tum quiditatue, tum existentialiter perfectio quædam, entium est; quibus hoc ipso, quod est bonum, habere esse, nequit non etiam bonum esse, habere illud necessario, ut est notum. Vnde penes maiorem, aut minorem perfectionem eorum, maior, aut minor eorumdem necessitas in habendo esse taxand. est. Consequens enim est, ut quod perfectius esse unum quodque ens habet, eò perfectiori modo, atque adeo magis necessariò illud habeat. Cùmque Deus ens sit infinitè perfectius, atque adeo infinitè perfectius esse habens tum quiditatuum, tum existentialie, quam cæ-

ra cuncta. Conficitur, necessitate in, quam Deus habet in essendo tum quiditatue, tum existentialiter, infinitè maiorem esse necessitatem, quam habent cætera cuncta in essendo quiditatue, aut etiam existentialiter ex hypothesi, quod existant,

Secundò probatur propositio. Quia eo ipso quod esse est perfectio, nequit non esse etiam perfectio necessitas essendi, ut est notum. Manifestè enim est bonum, non posse amittere bonum possatum, longèque melius, quam posse illud amittere, periculumque habere propterea illud perdendi: sicut bonum est, possidere bonum, longèque melius, quam eo carere; de quo plura suo loco. Cùmque omnis perfectio intrinseca Deo intra proprium genus adeo sit infinita, ut infinitè supererit omnem perfectionem eiusdem generis realiter distinctam à Deo, ut apparebit ex dicendis inferius disp. 14. & 16. necessariò consequitur, necessitatem Dei in essendo infinitè maiorem esse qualibet alia necessitate in essendo realiter distincta à Deo. Et quidem, semel posito, quod etiam necessitas metaphysica ex genere eorum, predicatorum sit, que suscipiunt magis, & minus, ut loco citato Pharo probauimus; ex lege appareat evidens, Deum magis necessarium esse in essendo necessitate metaphysica, quam quodlibet aliud. Quis enim dubitet, ens primum omnimodis habens esse à se, strictius, & firmius sibi annexere tale esse, strictiorique iure sibi illud exigere, & vendicare, efficaciorque, & validiore vi illius negationem, à se propellere, & repudiare; atque ita magis necessarium esse in essendo, quam quodlibet aliud ens secundum cum aliqua dependetia à primo habens esse? Quod si Deus in viorem haberet necessitatem in essendo, quam quodlibet aliud, confessim sequitur, excepsum hunc esse infinitum. Quia omnis excessus perfectionis, quo primum ens excedit secundum, infinitus est, prout videbimus disp. 14. & 16. citatis: & necessitas in essendo, ut diximus, perfectio quædam est manifeste.

Tertiò probatur. Quia tantum habet necessitatem aut quiditas, aut existentia cuiusvis entis, quantum habet impossibilitatis contradictorium eius iuxta proposit. 14. statutam in Pharo Scient. disp. 11. quæst. 5. Sed contradictorium tum quiditatis, tum existentia Dei infinitè est impossibilis contradictorio aut quiditatis, aut etiam existentia cuiusvis alterius entis. Ergo tam quiditas, quam existentia Dei infinitè magis est necessaria, quam quiditas cuiusvis alterius entis, aut etiam existentia eius ex hypothesi, quod existat. Major ex terminis, & ex propositione citata latius est nota. Et consequentia legitima. Minor autem probatur. Quia ex contradictorio quiditatis, aut existentia Dei infinitè plures chymæ impossibilis sequentur, quam ex contradictorio quiditatis, aut existentia cuiuslibet entis distincti à Deo. Quandoquidem si Deus non esset id, quod quiditatue est, & consequenter non existet, cætera cuncta tam, quæ possibilia modo sunt, quam, quæ impossibilia, chymæ impossibilis essent; quia si Deus deficeret, nullum omnino ens manerer possibile; cum tamen, deficiente quiditate, atque adeo etiam existentia cuiuslibet alterius entis, adhuc manerent possibilia infinita alia entia, quæ modo independenter ab illo possibilia sunt. Illud autem iure censetur infinitè impossibilis, quod secum fert infinitè plures chymæ impossibilis: & consequenter infinitè ma-

Disp. III. De necessitate Dei in essendo. Quæst. II. 85

gis necessarium contradictorium eius. Conclu-
ditur igitur, Deum, cuius contradictorium fert
secum infinitè plures chymaras impossibilis.
quām contradicitorium cuiusvis aliū entis, in-
finitē magis necessarium esse, quām quodvis
aliud ens.

Propositio 2.

¹⁵ Necessitas, quam Deus habet ad es-
sendum quodvis attributum entitatiē à se
indistinctum realiter quatenus tale, infinitē
maior est qualibet aliā necessitate rea-
liter distincā ab ipso.

Hæc propositio in precedente includitur.
Quia necessitas, de qua agit, necessitas quādam
est intrinseca Deo in essendo quiditatē, de-
qua ibi vniuersā. Vnde neque alia, neque maiore
indiget probatione. Quod autem contra vram
que propositionem ex Aduersariis potest oppo-
ni, ex dictis loco citato Pharo Scient, manet di-
latum.

¹⁶ Ex vtrāque autem infertur primò id, quod
iam dictum est supra num. 6. attributa intrinseca
Deo entitatiē sumpta, qua ratione ab omni
extrinseco independens sunt, infinitē magis
necessaria esse, quām semiextrinseca, & extrinse-
ca. Atque adeō inter prædicata Dei necessaria,
qua eo ipso passiones essentiae divinae seu pro-
priae, seu communes dicuntur, quādam, nempe
adquātē intrinseca, infinitē magis necessaria
esse, quām alia, nimurum semiextrinseca, & ex-
trinseca. Vnde consequenter sit, essentiam diui-
nam cū solis suis intrinsecis passionibus quoad
entitatē sumptis esse connexam absolutē, & in-
trinsecā: cum semiextrinsec's verò, & extrinse-
cis ex suppositione dumtaxat illius extrinseca ve-
ritatis, per quam complentur, sive constituantur;
atque adeo aut semiextrinseca, aut extrinse-
ca iuxta vniuersalem doctrinam de vtrīusque
generis passionibus essentiarum traditam in Pha-
ro Scient. disput. 17. quæst. 18. & disput. 22. quæst. 2.
De quo iterum redibit sermo infra disput. 4.
quæst. 2.

¹⁷ Secundò infertur, necessitatem, quam ha-
bent intra statum quiditatū tam conditiona-
tum, quam absolutum, & intra statum existen-
tiale conditionatum omnes veritates obiecti-
væ indistinctæ à creaturis possibilibus, atque
adeō distinctæ à Deo iuxta doctrinam stabilitam
in Pharo Scient. disput. 10. infinitē minorem esse
necessitate intrinseca, quam Deus habet tum in-
tra status dictos, tum insuper intra existentiale
absolutum iuxta dicta ibidem. Quoniam de
huiusmodi imprimis veritatibus est sermo in pro-
positionibus statutis.

¹⁸ Tertiò infertur, idem dicendum esse po-
tiori iure de necessitate, quam habent intra eos-
dem status, excepto existentiali absoluto, om-
nes veritates obiectiæ indistinctæ à chymarīs
impossibilibus, atque adeō distinctæ à Deo
iuxta doctrinam etiam statutam loco citato: nam
titulus impossibilitatis longè imperfectus es-
tum quiditatuum aut absolutum, aut condi-
tionatum, tum existentiale conditionatum ha-
bent chymaræ, quām creature possibles, prout
explicabimus inferius disput. 16. Ergo longè
minorem necessitatem in eo esse habere censem-
dant iuxta rationes supra factas pro priore propo-
sitione.

Dices contra hanc illationem. Etiam si
chymaræ ab intrinseco minorem necessitatem
habcant, quām entia possibilia; à necessitate
tamen eorum entium possibilium, quibus oppo-
nuntur, & à quorum oppositione suam impos-
sibilitatem fortuntur iuxta doctrinam datam in
Pharo Scient. disput. 11. quæst. 2. & 5. à quæ necel-
larias illas evadere quoad suam impossibilita-
tem, ac sunt talia entia quoad suum esse. Vn-
de chymaræ opposita Deo infinitē necessaria eu-
dant in sua impossibilitate ab infinitā necessitate
Dei. Etenim, quām necessarium est impedimen-
tum oppositum existentia, atque adeō & possibi-
litas chymaræ, tam necessaria erit huius non
existentia, atque adeō & impossibilitas existen-
ti; siquidem pro solo casu ablationis talis impe-
dimenti potest excogitari chymara potens exi-
stere. Sic, quām necessarij verus Deus existit,
tam necessarij videtur non existere, atque adeō
& esse impossibilis alter Deus chymaricus hoc
ipso, quod verus Deus alteri chymarico oppo-
nit quoq; existentiam; impedimentoque subinde
et, quominus ille existat, & possit existere.
Respondeo tamen, chymaræ non maiorem ne-
cessitatem habere ab entibus possibilibus, quibus
oppoquntur, quām habent intrinsecā à se ipsis.
Quia, cū talis oppositio fundetur tam in qui-
ditate chymarum, quām in quiditate talium
entium; eo quod omnis oppositio cuiusvis extre-
morum oppositorum est semiextrinseca, vt pote
includens in suo concepitu reali ambo extrema
opposita, vt demonstratum est in Pharo Scient.
disput. 14. quæst. 3. & 4. non potest ex tali oppo-
sitione prouenire maior necessitas chymaræ,
quām ipsa habet in se; quia necessitas con-
iuncta ex duobus extremitatibus nequit esse maior eā,
quam habet extrellum minus necessiarum; cū
omne totum quoad necessitatem sequatur par-
tem debiliorem hoc ipso, quod sine illa stare
non potest, vt est notissimum. Itaque quanvis
Deus verus in se infinitē necessarius impedimen-
tum sit obsistens, ne alter Deus chymaricus pos-
sit existere: quia tamen in ratione impedimenti
semiextrinseca sibi, vt pote oriundā à quiditate
tum propriā, tum alterius Dei, non est magis
necessarius, quam quiditas ipsa alterius Dei; id-
circo titulo talis impedimenti nequit facere
magis necessariam aut non existentiam, aut im-
possibilitatem ad existendum alterius Dei, quām
ipsius quiditas necessaria est in se se. Pariter
que de alijs chymarīs impossibilibus philosophan-
dum est.

Quartò infertur, necessitatem, quam ha-
bent quoad suam possibilitem negationes om-
nium creaturarum possibilium, infinitē minorem
esse necessitate intrinseca Dei. Quia possibili-
tas talium negationum nihil est aliud re ipsa à po-
tentia, quam habent ipsæ creature possibles ad
non existendum, que vna est ex veritatibus ob-
iectiæ cum ipsis creaturis identificatis, de qui-
bus in illatione secunda dictum est. Cū enim
negatio creature in se nihil sit: quia nihil ponit
in esse, sed potius auferit esse creature, vt ostendim-
us in Pharo Scient. disput. 9. quæst. 3., neque in
se habet potentiam aliquam ad essendum, sed à
potentia ipsa, qua creature potest non esse, pos-
sibilis denominatur.

Quinto infertur, necessitatem, quam ha-
bent quoad suam possibilitem negationes chy-
marum impossibilium potiori iure esse infi-
nitē minorem necessitate intrinseca Dei. Quia
pari-

pariter talis possiblitas ipsa est potentia ad non existendum quam secundum identificatam habent ipse chymæra, de qua vna cum alijs veritatis obiectis ipsarum dictum est illatione tertiale.

²² Sexto inferitur, necessitatem, quam habent ad existendum in statu absoluta negationes chymærarum impossibilium, (qua ratione negationes dici possunt existere iuxta doctrinam datam in Pharo Scient. loco nuper citato), infinitè similius esse minorem necessitatem intrinsecam Dei, ut pote eamdem quiditas ipsarum chymærarum. Est enim ipsa necessitas connexionis, quam cum sua non existentia habent ipse chymæra; siquidem, necessarium esse, chymæras non existere, & esse necessitas ipsas chymæras ad non existendum, in idem prorsus recidit, ut ex se patet.

²³ Hinc inferitur septimum, vnam chymæram, negatiuam, scilicet negationem veri Dei, in sua non existentia, in suaque impossibilitate tantam necessitatem habere, imo eamdem, ac ipse Deus. Quia eius non existentia ipse Deus est, & eius impossibilitas aliud non est re ipsa ab impossibilitate, quam Deus habet non existendi; que impossibilitas ipsa est realiter necessitas Dei in existendo concepta à nobis per modum negationis potentia non existendi.

²⁴ Octavo inferitur, necessitatem conditionatam, sive ex suppositione, quam habet qualibet negatio ad suo modo existendum ex hypothesi quod ipsa existat, vel aliud quid eam inferens, sive ea sit negatio creature possibilis, sive chymæra impossibilis infinitè minorem esse necessitate Dei: quia talis necessitas refundatur in necessitatibus quiditatis entis negati, quando est necessitas ex hypothosi ipsius negationis, & in necessitatibus entis inferentis illam prout talis, quando est necessitas ex hypothesi talis entis. Cuiusque quippe necessitas, quam habet quodvis ens sive ad existendum ex hypothesi, quod existit, sive ad non existendum ex hypothesi, quod non existit, alia non est à necessitate, quam tale ens habet ad existendum id, quod de suo quiditatue est. Quandoquidem, si ex suppositione, quod ens existit, non existenter, aut ex suppositione, quod non existit, existenter, distinguetur à se ipso, & non esset id, quod de suo quiditatue est contra necessitatem, quam habet, sive quiditatis. Et omnis necessitas, quam habet negatio ex suppositione alterius entis inferentis illam, ut pote oriunda ab oppositione talis entis cum ente negato, ad necessitatem etiam qui datum ambotum, in quibus ipsorum oppositio re ipsa consistit, venit tandem pariter reducenda, consentaneè ad doctrinam traditam in Pharo Scient. disput. 14. quæst. 4. proposit. 3. de connexione semientrinfeca, media qua quodvis ex extremis oppositis infer negationem alterius.

²⁵ Nono inferitur, necessitatem, quam habet quodvis disiunctum distinctum adæquate à Deo extremonum circa medium oppositorum, (qualia sunt omnia contradictoria, & aliqua contraria iuxta dicta in Pharo Scient. disput. 14. quæst. 3.), infinitè minorem esse necessitate Dei. Quia necessitas huiusmodi disiunctorum ex duabus conditionatis coalescit, quibus necessitas est adesse hoc extremoni disiuncti, si deest illud; & illud adesse, si deest hoc iuxta doctrinam datam etiam in Pharo Scient. disput. 10. quæst. 3, atque adeò de illa per inde, ac de veritatis conditionatis, sive ex hypothesi venit phyllophan-

dum iuxta iam dicta. Loquor autem in hac illatione de disiunctis distinctis adæquate à Deo: quia necessitas disiuncti ex Deo, & suæ negatione non est minor necessitate Dei; cùm sit eadem quiditas eius; ut facile ex dictis hancenam quisque potest colligere.

DISPUTATIO IV.

De independentia Dei in essendo ab omni non Deo.

Bifariam potest excogitari aliquod ens in dependens in suo esse ab alio quopiam. Primo tanquam à causâ, aut conditione causandi. Secundo tanquam à termino connexionis. De utrâque ergo ista independencia Dei in essendo ab omni non Deo, sive ab omni alio distincto ab ipso agendum nobis est in presenti disput.

QVAESTIO I.

Vtrum Deus sit independentis in essendo ab omni non Deo, sive ab omni alio distincto à se tanquam à causa, aut conditione causandi.

Quinque genera causarum recensentur communiter. Efficientis scilicet, finalis, exemplaris, formalis, & materialis. Causa efficientis est quæ insuit esse in aliud, sive quæ dat esse rei, ipsam ve rem efficit, seu facit. Causa finalis est id, cuius gratia efficientis operatur, sive propter quod efficientis facit, quod facit. Causa exemplaris est id, ad cuius normam operatur efficientis. Causa formalis est, quæ constituit intrinsecum ut pars determinans eius essentiam. Causa denique materialis est; quæ recipit, sive sustentat actionem, formamque per ipsam effectam ab efficienti; quo titulo causa receptiva, seu subiectua venit dicenda; & comprehendit tanquam pars determinabilis ad talem ipsius essentiam componendam per talem formam; quo titulo causa materialis constitutiva appellanda venit. Condicio autem causandi in uniuersum est id, quod quilibet ex causis predictis adiuniat ad causandum, sive applicando, sive disponendo, sive aliter quoquo modo. De quibus omnibus suo loco latius tractandum est.

Ex illis modò infertur primò, omnem dependentiam, atque adeò etiam omnem independentiam ab alio tanquam à causa, aut à conditione causandi, necessariò esse dependentiam, aut independentiam ab alio tanquam à causa aut efficiente, aut finali, aut exemplari, aut formalis, aut materiali, aut tanquam ab aliquo earum iuamine, aut tanquam ab aliquo complexe ex hisce omnibus possibili,